

ЯКСТЕРЬ  
ГАЛСТУК

1 мая





# ЯКСТЕРЬ ГАЛСТУК

||  
КРАСНЫЙ  
ГАЛСТУК

ЖУРНАЛСЬ  
ЛИСЕНДИ  
4-ЦЕ КИЗОСЬ

№№ 5-6  
МАЙ--ИЮНЬ

1935 г.



Пионеронь ды школьниконь эрь  
ковонь журнал. Нолдаенза: ВЛКСМ-нь  
обкомсь, МАССР-нь НКП-сь, ДКО-нь  
облбюрсь



Ответредакторсь И. ИЛЬКИНОВ.  
Литредакторсь ПЕТР ЛЕВЧАЕВ.  
Художниксь МАРЫЖИХИНА.

## ШАБАТНЕНЬ КОЛГА ОД ЗАКОН

### АФСОВЕРШЕННОЛЕТНЯЯ ПРЕСТУПНИКНЕ УЛИХТЬ НАКАЗАННАЙХТЬ

Центральной Исполнительной Комитетсь и СССР-нь  
Народная Комиссаронь Советсь нолдасть од закон  
шабатнень йоткса преступность каршес тюремать  
колга.

Тя законть коряс афсовершеннолетняйхне, сявомок  
12 кизонь возрастста, кит молихть салама, пик-  
сыхть киньгя, али хуть тряфтихть киньгя шавомс,  
—тяфтама шабатне улихть судендафт станя жа,  
кода и оцюфне: судсь теест примай стама жа суровой  
мерат, кода и взрослай преступникненьди.

Станя-жа суровайста кармайхть судендама классово-  
чуждай сят ломатьтнень, спекулянттнень, разная  
преступникнень, конат использовандакишнесазь шабат-  
нень преступнай эсь тевсост, кошаресазь синь пре-  
ступлениянь тиема. Няг ломатьтне кармавихть  
судендакишневма тюрьмав 5 кизода аф кржас.

Пионерской и школьной сембе организациятне дол-  
жетт сембеньди азондомс Правительствать тя за-  
коноц, штоба сонь содалезь сембе шабатне. Сембеда  
няк катк ляфтасазь од законть сят шабатне, кит  
нинге урмафт аф шумбра, преступнай мяль мар-  
хта, катк синь содасазь, што сядлама синь мархтост  
налхксема аф кармайхть.













# ЭРЕК ФЛАГ

(Бойть „Якстерь курлышка“ книгаста)


Мезь лиссь Васеньце майста,  
тиезь Митько, Ва - ньчо, Лиля и  
Сашко. Тинь содасть, кит синь?

Нят колма церанят и фкя сти-  
рьня. Теест кефкиень киза; эряй-  
хть синь Болгария масторса, Бо-  
таки йомла веленяса.

Календарьса ащи лопанясь няфнезе апрельть  
колмоньгеменьце шинц. Ванды ули Васень майсь.  
Илять сокамста саф алятнень серьгадезь сходу Це-  
рькунь крылецть лангста кядензон яфизь ювадыш-  
несь оцю уса полицейскаяйсь:

— Кда ванды киньге кудонц пряс ули кепедьф  
якстерь флаг,  
сянь арестован-  
дасаськ и веле-  
ста паньтсаськ.  
Марясть? Ну вов.  
Тяни срадода...

Полицейскаяйтъ,  
кулезь аф аныцек  
оцюфне. Сонъ  
кулхцондозь нин-  
те Лилька Мить-  
ко, Ванчо да Са-  
шко. Синь кяшсть  
фкя уженяси кар-  
масть тошксемя:





А содасасть: шабась эводсь. Сон пели сянъ эзда, штоба тьяль уль ся, мезь Советской Россияса. Мон цебяръ ялгазень кургста кулиня, тоса ванды ули цебяръ. Народсь сембе лиси ульцяв флаг мархта. Сембе флагне якстерьхть! Сембе народсь морай! А содасасть, нинге мезь сон азондсь? Тоса церанятне и стирьнятне каньнихть Якстерь галстукт. Синь лемсна пионерхт! Пионерхне лездыхть сятненьди, кит трудяйхть. Вов кда миньге улельмя пионерхт, эста тейнек улельхть помощникт сембе шабатне...

Кувать нинге тошксельхть, но тя пингева синь вельхкссост кулевсь:

„Крл... крл... крл...“

Тя оцю нармонь—Аист. Сонь кие бди токазе пильгенц и эрясь шайса. А шабатне сонь музь и кандозь эсь кудпрязост, и тyani сон сяшкава сятявгодсь, шабатненьди, нльня кодак нйайсынъ, так корхтазеви эсь кяльсонза. И тачи, кодак сонь кулезь шабатне, эстакиге лятфтавьсь пара мяль...





Шабатнень эзда конацка куду удома изь ту. Аньцек Лолька да Ванчо ласькендсть и сятка састь меки. Лилька кандсь якстерь краска, а Ванчо кандозе ташта акша панаронц. Тяда меле ушедозь работать. Ванчо кирьдезе Аистть. Сашкось саворне архнезень сонь пильгензон, тяда меле архтозь сядазонц и сембе долганзон Ванчо вадезе панаронц тись эздонза галстук и сотозе Аистть сядазс. И лиссь пяк парста. Сембе кенярдсть.



— Ну, тyani тон миньценок йофсикс пионерат! мярьгсь Лилькась и сембе шабатне кармасть рахама А мзярда прокс шовдалгодсь, синь салава тусть перетнень фталга... Аф лама пингта меле Митько ульсь полицейскяйт кудонц прясa. Сон трубать лангс озафтозе Аистть, ингеленза путсь кши паморкськат саворня валгсь.

Курок сыргозсь сембе веленясь и сембе нязь эрек якстерь флагть. Сембе ломатьтне пек дивандасть



сянь лангс, кие стамось тяшкава  
аф пелись: кие куцендсь полицей-  
скайт кудонц пряс и путозеякс-  
терь нармонтть?

А полицейскайс аныцек стясъ  
удомста, кодак — нязе, што ку-  
донц ингели пуромсть лама ло-  
матть, кенердазь, ласькс ушу и  
ювади мезь вий.

Кие мярьгсь пуромшнемда? Али  
йоратада ти емс маевка?..

Ювадсь и комотсь пуромфнень панема. Но тя пингева.  
Аистсь нязень содаф шабанзон и лаподезень па-  
цянзон да пешкодозевсь: лре... крл...

Лякси полицейскайс варжакстсь и нязе эсь ку-  
донц пряста Якстерь эрек флагть.

— Тяникиге валхтость! — юваць народти. Но кивок  
нльня изь орхкадь вастстонза. Эста сонць лифтезе рево-  
льверонц и целендась Аистть лангс. Но нармонць  
тянь бта шарьхкодезе, келептезень пацянзон и ликс-  
тась омбоце куд пряти коста и тяфтак эрек флагсь.



валгондсь веленяста сембе кудт  
нень пряс. Меле тоза валгсь,  
коста аф эйфтеви: церькути Поли-  
цейскяйс тянь инкса сядонга кяж-  
иясь. Сон кудстонза кандсь винтов-  
ка и ляцезе Аистть. Но нармонць  
мянь алу сяка та изь пра: сонъ  
галстукоец повсь церькунь крест-  
ти и кармась тозк нюрьгоньдема.

Вови сембе. Илядсть Минко, Са-  
шко, Ванчо и Лилькась Аистфтома.  
Но тянкса 1-це майста Батаки ве-  
леть кудонзон пряс аульсь якстерь  
эрек флаг. (Авторизованной перевод)





## Салазе шкайть

— Ната, урядак шраты! Атлявонь-  
пjali ни сувать...

— Тярй, мон панар аф кенеря  
щамс!

— Урядак, мярьгонь!

Ната эряза ста кармась шралангонь  
урядама. Сувась Николай — кудонь  
прясъ Ливозенза шудерьксокс —  
шудихть. Сон тяляма йоткова — ста  
не ашезь ливоськодшне, кода тачи  
ливоськодсь.

Ф — фу! Аванят, шкаень каних-  
неньди алнят анокладе?... Мес пяк  
ноласта ни шэронттада?... Ломат-  
тнень гвасна, ванат, толкс шары-  
хть, а тинь, кода тракт... Наата,  
крывастьк лампаткать. Шралангс  
ацак скатерь и путт кши — салне!..

Шкайхне лиссть Краньчнень пя-  
льде и шарофтозь шамаснон Симань  
пjali Никалаень вальманза панжа-  
дот, — маряви шкаень канихнень  
кашкомф вайгяльсна:

— Христо — о ос воскрес — е се  
из ме — ерты — ых, смертью — сме-  
ртть по пра — а — авь и, уще во —  
гро — бе — живсдорова — а — фь...

— Маря, — Николай серьгядсь  
омбоце стиренцты, — сувак седь-  
алу и таргак тоста...

Маря лихтьсь бутылка самогон  
и венептезе алянцты.

— Аф тя эряволь лихтемс, тоса  
пряфкске ули, тянь путк меки!..  
Никалаень семьяц мярьгат салмокс  
лангса шары. Вете - кота мину-  
тада меле сембе ульсь аноклаф.

Игелькиге сувась кадилань ка-  
нись:

— Христос воскрес! Тонь пялот  
сйхть, листь каршезост.

— Ваистеннай воскрес!, — пяк ва-  
йгяльса отвецясть Николай мархта  
Николайрясь. Эстокиге Николай фа-  
тясь кши, лангозонза путозе очи-  
жиньди рамаф салдорксонц, салдо-  
рктъ лангс крывастьсь свеця и ли-  
ссь шкайхнень каршес.

Шкайхне нежедьсть орта лангс  
а шкаень канихне мезе ули вий  
пейшкодыхть.

Христ-о-о с-в-о-скре-се е из м е  
е ервых...

Николай христосандась попть и  
дьяконтть мархта и нолдазень пя-  
лонза. Сембеда пулоняса сувасть  
колма анцият, конатнень йоткса  
якась и Тиля — биляське. Соньць  
Николай кшинц — салонц мархта  
сувась сембеда мекпjali.

Аньцек кенерьсть сувамс, попсь  
эстокиге велясь конек лангс и ка-  
рмась мотрдома:

— Кб-п-р-р-да-в-в-онь...

„Дьяксъ“ няйсы што попть се-  
льменза букань олаф сельмекс ара-  
сть и уйфтезе служамать:

— Ой, вы сень — ни, мой сень — ни-  
сень ни новые мои... сень ни новые —  
кленовые... и... Бачка, стяк штоли..

Николай тожа кармась попть эса  
стяфнеме:

— Бачка, тачи христозсь живол-  
годсь, а тинь. Туда ина прятнень  
пчкафцайнек! ...

Дьяконтть ульсь пильге лангса ки-  
рьдемшкац, лиссь кудынгели и кай-  
гиста ювадьсь:



— Эй, тинь — шкаень каньнихть ..  
К — ш — ш... тьяста!..

Шкайхне мадыхть тязк... шарьхко-  
дедя? К — ш — ш!..

— Шарьхкодемя! — шалхконь пачк  
отвечась сембень инкса Афонясь.

Шись нинге вярель. Шкаень ка-  
нихнень ашель мяльсостка, штоба  
матомс шкайхнень, но мезевок аф  
тият — кли азорхне кошардыхть,  
эряви кульхондомс. Тусть. Тусь  
сембе свитась. Санань пяли ля-  
дсть аныцек прятне: попсь, дьяконць  
и псаломщиксь.

Николаень кудоц „пси“, пингта  
эрявсь йофеи аф лама, штоба шара-  
кафтомс духовнай свитать анок  
шаракафтф уйснон. Ипяле частта  
мелени „отец дьякс“ кармась мор-  
афтома „Коробочкаты“ вайгяльса:

— Эй, христос воскрес из мерт-  
вых смертью смерть поправь...  
Ашезь кенерь дьяконць омбоце ка-  
ленать ушedomонза, сонць Николай!  
куд — азорсь, фатязе:

— Са — ааду Маша Гу — ля — ла  
— а... Гу — ля — ла, гу — — ля ла  
— а!..

— Мезень „гулялавок“, нинге аш  
— бжжжяфтсь Николаерясь мирьденц  
лангс, — эряви гармонье терьдеч!..  
Николай тулексоль гармоньянь ве-  
шеме, но дьяконць лоткафтозе.  
Сяка пингть попсь серьгадезе Ни-  
колайрять.

— Сака малазон, сака, баяр — ава,  
сака хоть мархтот христосондатама..  
Попсь ащесь скомня пеняса, а дья-  
конць озафоль скомнять кучкас.  
Мзярда попть вакс озасть Никала-  
ерясь и кармась псиства „христосон  
дакшемя“... Дьяконць кеподезе пя-  
рмонц и попть мархта Николаерясь  
кеверьсть мастору.

— Николай — шкаень идь серь-  
гядьсь, — масторста попсь, — кепод-  
демасть што ли, шайтан лефкс!..  
Вдь тон нйасак кода ужалыттяма

эсот, аф кинь пяли, а тонь пялот,  
Николай, матынек шкайхнень... Тя  
ли аф почет?!.. А кие матозень?  
Мон!.. Шарьхкодят?..

— Шарьхкодян, шарьхкодян, бач-  
ка. Ната, лихття тага фкя бутыл-  
каны!

Дьяконтть састь кяженза. мес  
попсь мярьгсь, мон матыне „... И  
врьгаться попть лангс:

— Коста тон сянь сявить, што  
тон матыть?!

— Мон азорсь лангсост!

— Нет, кафцьке азорхтама!!

— Нет, станя аф эрей, штоба са-  
разть лангса алхне улельхть оцюфт!..

Псаломщиксь ащесь ширеса и  
мезевок ашезь кашторда, номзяр-  
да дьяконць мярьгсь „кафцьке азо-  
рхтама“, сонь тожа токавсь седиец!  
Лиссь кудынгели, фатязе паця ма-  
рхта шкайть и тусь ласькозь лоткть  
туркс. Сонць мезе ули виец ювадь-  
кшни:

— Катк сембе содасазь, што шка-  
йхнень лангс монга азоран!..  
Монга азоран!! Мон не позволю  
наругамс лангсон!... Саты ся пингсь  
йотась!... Тяни, брат...

Дьяконць илештезень полонзон и  
псаломщикть мельге... Попсь фатясь  
Николаень кенькш лангстонза ся-  
ньга и тожа лотку — дьяконтть  
мельге. Мзярда псаломщиксь ма-  
рязе, што дьяконць сонь сашендсы,  
сон кундазе шкаенц штыкоккс, ара-  
фтозе каршезонза!

— Тят этсе, корхтан!... Нолдасай-  
ня сюлотнень!... Не позволю нару-  
гамс лангсон!.. Мон тожа азоран!..

— Авацень лангса тон азорат..  
Катк шкайты!... Лазса пряцень!..  
Дьяконць комась, йорась сявомда  
кев, но сяка йоткова, фталда сонь те  
бардазе попсь. Тргадсть. Платонь  
Аньдусь пуроптозень ялганзон па-  
нда пряв и кармасть мезе ули вий-  
сна пешкодкшнеме:



- Пажар!!!
- Пажар!!
- Палхтама...

Сембе ширьде ласкихть ломатть. Кой—конат мархтост фатясть ведаркат... А церькавонь ваны сторсжсь — прокс анок! Сон аныцек няезе, што ласькихть ломатть и кядьсост ведаркат эрязаста куцсь церьку прыв и кармась шавома распалоф! Пуромсь пяле веле. Нинге сяда лама явондась кодама—повсь ювадькшнемада:

- Кирьдиеньтть!...
- Сотсайнек! !
- Вазнянь пакарь пулозост сомс!!!

Кие содасы, мзярс кармалхть ба тюреньдеме „шкаень азорхне„,

кда аф йоню ломанц—Прошкись. конац амолдась карафста кафта ведаркат ведь и чьошкофтозень лангозост:

— Тинь стак аф лоткафтофтада, — „святиндамс“ эряфтада!...

— Ведьти эрявихть ускомс!—кармасть ювадекшнеме панда прыв пуромф вельэряйхнень йоткста. И сембе ширьде рахсеф. пакаренъ пес позоряф духовнай свитась, фкя—фкянь мельга лотка потмакса, кода начка пула сараст комафнезь коняснон и тусть эсь кудгаст. илядсь паця мархта шкайсь съкамоза карафу.

Тяфта Салуня велеса йотась очижинь омбоце шис.

1927 к







# СИЛАЧ

1.

Петушков Володясь лиссь кудин-  
гели и морась:

Таень м'рясь ляйда маця,  
чурок тие е-ч силачекс  
с'мбень к'рясь вижста  
Ея, ея, ея-я

Мельдень строчкась теен за кода  
вок изь думандав, а сяс моразе  
сонвидеста: ея, ея, ея-я.

Петушков Валодясь валгсь  
школань летница ланга. Воло-  
дясь мольсь пирьфи. Пирьфса  
ульсь спортивнай площадка.

Петушков Володясь исьце кель-  
геньдя физкультурать. Петушков  
володясь ульсь аф вию, вялай и  
неуклюжай.

Петушков Володясь лиссь  
пирьфи, панжезе кенькшкять и  
аськолдась весть. Кенькшкясь  
ульсь тиф ста, што панчсеви кафи-  
цька п'яли Мзярс Володясь сыр-  
хксесь аськолдамс омбоцеда, кень-  
кшкясь эрьхтезе сонь копть ланга,  
и Петушков Володясь прась.

Лякезь и куфкснезь Петушков  
Володясь стясь модать лангста.  
Шабатне рахасть и комотнесть  
„Ура Петушков Валодяти! Ура  
минь силаченьконьди“ — юзадь  
шнесть синь.

Школать пряса работасть робо-  
чайхть Синь кулезь шабатнень ра-  
хамаснон и ювадьшнемаснон. Синь  
кармасть ваном алу. Фкя рабо-  
чайть кядьста прась лоскод. Сон  
савор бга мелавня лийкстась алу и

валгсь Петушков Володять прянци  
лангс. Петушков Володясь прась.  
Петушков Володясь ульсь п'як  
спабай, п'як вялай и п'як неуклю-  
жай.



2.

Спортплощадкаса шабатне комо-  
тнесть пикскя вельф П'як цебярь-  
ста коматнесь Круглов Колясь. Теж-  
дяста и аф пелезь сон ласькендсь  
и комотнесь сембе сяда в'яри и  
в'яри Круглов Колясь ульсь клас-  
ста сембеда цебярь физкультур-  
никсь.

Круглов Колясь ульсь вию, лов-  
кай и эрек.

— А, Воладясь! — мяргсь сон, —  
а, Петушков, сака сей, дай  
комотнетяма.

— Аф, мяргсь Володясь, — мон  
мес бди аф йоран, тячи монь  
пильгене сизесть и суроже с'яряди.

— Коса сурце? кона сурце? —  
кизефтезь шабатне.





— Да ва,—мяргсь Володясь,—види кядьстонь вяшкянсь. Сяряди и сяряди. Монць аф содаса мес.

— Вот, — мяргсь шабатне, — здравствуйте, сяряди кяцстонза вяшкянц, а комотнемс вдь эряви аф кядьтнень, а пилегнень мархта.

— Сембе сяка,—мяргсь Петушков Володясь,—сембе сяка аф комотневан и аф карман.

— Нет, кормат. Нет, кармат!—ювадсь шабатне и ускозь Петушков Володять.

— Ва, — мяргсь синь, — нйасак, ва пиксья. Ласьк и комотть.

Петушков Володясь тусь ласькезь, но пельксь эзда прокс пикскать ингеля конезень, сельмензон тятерьгодсь и прась.

Меле стясь, мяргсь: „Нйасать, аф комотеван“, йорась тумда.

— Аф,—мяргсь шабатне:—аф, нинге весть.

Петушков Володясь тага тусь ласькезь, но прокс пикскать ингеля конезень сельмензон, тятерьгодсь и прась. Меле сон стясь и мяргсь: „Нйасать, нйасать,—аф комотеван, аф комотеван“, и йорась тумда.

— Аф,—мяргсь шабатне:—ащ мезьга, комотть тага весть.

Петушков Володясь нинге весть тусь ласькезь, но прокс пикскать ингеле пельксь эзда конезень сельмензон, тятерьгодсь и прась. Меле сон стясь и мяргсь: „Нй-

сась, нйасать, нйасать—афкомотеван, аф комотеван, аф комотеван!“

Тя пингева сонь павазонцты цингоргодсь пайгенясь, сембеньди эрявсь модемс классу. Куцема ланга модемста инь цебарь физкультурникс Круглов колясь мяргсь:

— Эх, Володя, Володя, ватт, сембе тонь лангсот рахсихть тяфтама тон слабаят, тяфтама вялаят, тяфтама вялаят, тяфтама неуклюжают. Ва занимандамаль ба физкультура са кода эряви.

— А,—мяргсь Петушков Володясь, — теень физкультураньте аф эряви.

И саворне кармась куцема лестницава. Куцезь сон морас:

Теень морась ляйда паця,  
курок тиевн силаченс —  
семб нь коряс вию та,  
Ея, ея. ея—я.

Мельдень строчкась теенза кодавок изь думандав.

### 3.

Классть эзга якась учительсь и азондсь Роландть колга.

— Роландть колга морса,—азондсь учительсь,—азондови рыцарень колга, кона пяк вию и храбрай.

Шабатне ащесть и кулхцендсь. Класа ульсь сетьме. Сембеда пяк кулхцендсь Володясь, „Вдь ва,—думандась сон,—тя Роландсь ашель физкультурникос, сембе сяка сон и вию и храбрай. Вов кда тееньга арамс тяфтамокс“.

— Роландсь лисендсь паксяв врагнень мархта тюрема алаша лангса и пиндолды латаса <sup>1)</sup>..—

„Да, — думандась Володясь,—алаша лангса и пиндолды латаса.

<sup>1)</sup> Латат—панцарьх.



— Роландсь ськаманза сясь-  
кондсь сразу комсь врагт.

Сон кинья эзда из пеленьды,—  
корхтась учительсь.

Володясь арьсезевсь. Вов сон  
сей классти арды акша алаша  
лангса, Володять лангса пиндолы  
латат.

Шабатне сонь ингеленза пя-  
рихть плманжа лангс, синь эняль-  
дихть теенза.

„Володя, Володенька, минь пит-  
ни Петушковоньке, араламасть,  
ужальдемасть минь!“

Володясь кядензон мархта фа-  
тясь кафга парта яфиесынъ кожфть  
эзга. Сельменза сонь пиндолдыхть.  
Володясь морай.


Тейне морась лядз маця  
курок тиеван силачекс—  
гебень коряе в юста  
Ея, ея, ея—я

Нльня тянивок теенза из думан-  
дав, а сяс моразе видеста: ея, ея-  
ея—я.

— Тон месь мурат?—Петушков  
Володяти мяргсь вакстоц и тут-  
мадозе сонь бокта.


Карандашсь прась Володять  
кядьста.

Петушков Володясь пелезь вар-  
жакстсь вакстонц лангс и из  
кашторгод нльня.



4.

Классть каршестз кудса ульсь  
семикилометров ученай профес-  
сорть лабораторияц. Семикиломет-  
ров ьтиеньди особай луч мархта  
опытт, конат касфнезь растеният-  
нень серьснон. Крхкаста думан-  
дазь эсь аппаратонц велькксса  
ащесь, Семикилометров профес-  
сорсь и волдопнесь лопаня. Лопать  
ланга шашсь кару. Вакссонза  
моршкть лангса ащесь эшендьф ста  
кан чай. Но мезе тя? Мезь лиссь?  
Мезь тиевсь? Карусь, кона валдопт-  
фоль лучнень мархта вдруг лийк  
стась лопать лангста, тусь лиезь  
вишкста, вишкста мяргат тя аф ка-  
ру, а пуля, лиссь ста антть и валь-  
мать пачк и лийкстась ушу.



Семикилометров професорсь  
комотсь васцтонза. Сон диван-  
дай: Растениянь касфты лучнень  
вастс сон тис карунъ виияфты  
лучт. А пади аф аныцек карунъ.

Семикилометров професорть  
аппаратста лучне тя пингева вал-  
доптозь Петушков Володять, кона  
комадонь прят ащесь классть  
эса.

Петушков Володясь ульсь пях  
вийфтема. пях вялай и пях неук-  
люжай.

5.

Класса уроксь аделавкшневсь.  
Цангоргодсь звоноксь, шабатне  
йорязь книгатнень партатнень




потмос и, лисендсь пирьфи. Сембеда меле лиссь Петушксов Володясь.

И вдруг книгатне синдрезь партать потмаксонц и прасть кияксть лангс.

„Тя тага мезь? — думандась Володясь и фкя кяденц мархта нежедемск партать лангс, йорась кепедемск книгатнень. Но партась срадсь пялькссва Володять кяденц ала.

Мязеньгя апак шарьхкодть Володясь тусь классть эзда. Сон люпшась пякстаф кенькшнень кундамаснон лангс, и кенькшне прасть петля лангста.

— Тя... — мяргсь Володясь, — Тя кода шархкодемс? — и тусь сяда тов.



Думандазь сон лиссь пирьфи и васедсь фонарной столба мархта. Толхмадемасть эзда столбась шерьхкозевсь и прась. Володясь комась, кепедезе столбать и эльбядемасть мархта сонь меки навазе модати омбоце педа, коса ульсь фонарьсь.

Столбась крхкаста яцесь модати и лядсь стяда ащемя.

— Ах, — ювадсть шабатне, — мезь стамось Володять мархта? Ах, сон арась силачекс!

Кудпрясa рабочайхне усксть канатс содф бетоннай стака шочка. Фкя рабочайсь апак ученд шятясь ширес, конатсь мяньсь кядьстонза, балкась тусь шаштома кудпрять ланга и тусь алу.

Балкась прась Петушков Володять прянц лангс. Балкась синдревсь вдребезги. Петушков Володясь ащесь, мезеньгя аф шарьхкодезь.




Мекпьяльти сон шарьхкодсь:  
— Мон арань силачекс!  
Сон моразевсь мороть:

Теень морясь лйда маця  
тани тиевонь силачекс —  
сембень коряс виюват.  
Ея, ея, ея—я.

Тага изь думандав мельцень строчкась, и сяс моразе стак: ея, ея, ея—я.

Петушков Володясь тусь молема спортплощадкать ланга.

Тоса, коса налхксть волейболса, тоста сон няевскласста инь цебярь физкультурникть Круглов Колять.





Круглов Колясь ащесь топ мархта.

Петушков Володясь мольсь сонь малазонза, кядьстонза сязове топть и йордазе вяри. Топсь лийкстась кудть вельф и кяшевсь.

— Тон физкультурникат, мон аф, — Петушков Володясь мяргсь Кууглов Коляти, — давай бороцятама.

6.

Тотсь лийсь кудпратнень вельф, топсь лийсь Нева ляйтть вельф, топсь лийкстась пушка потмос, кона ащесь Петропавловской крепостьса.



7.

Петушков Володясь ульсь пяк вию, пяк эрек, но ингольцекс пяк неуклюжай. Круглов Колясь тани арась соньденза вийфгемокс. Но Круглов колясь ульсь лучшей физкультурник, и нльня танивок теенза изьсат Петушковть виец. Теенза кодавок изь фатяв Кругловсь Мекпяльти тя тиевсь. Мекпяльти сон фатязе сонь. Круглов Колясь прянь араламок сонь цютькяне толхмадезе мяштът. И вдруг тя

толхмадемаь эзда Петушков Володясь прась модать лангс, Прась станя жа, кода ба сон праль инголя, мзярда аф силачель.

8.

Кода яла, ровна кимгафтува частса ляцьс Петропавлевской крепостень пушкась. Пушкать эзда лиссь топсь и лийкстась. Топсь лийсь Нева ляйтть вельф, лийсь кудпратнень вельф, прась школать пряс и кеверсь алу.

9.

Аф шарьхкодемок, мес сон прась Кругловть тостяфтоманц эзда, Петушков Володясь стась и иорась тага весть фатямс сонь. Тя пингева прянц ланга валгсь сонь жа мархтонза йордаф топсь. Володясь тага прась

Оказывается, Семикилометров профессорть лучензон вийсна аф вечнай. Володясь тага арась пяк вийфгемокс, пяк вялайкс и пяк неуклюжайкс.

Петушков Володясь аварьгодсь: — Мон улень стама вию, кодама пара ульсь эрямс виюкс, мезь теень тиема?

А омбоце шиня шудава Петушков Володясь сембеда ингеля лиссь зарядкав, и колмоце шиня тага, и тага. И пяле кизода меле класса ульсь аф фкя инь цебярь, а кафта физкультурникт — Круглов Колясь и Петушков Володясь.



# КОДА КУДНУМОЛСЬ ЛЕВТЬ СЯСЬКОЗЕ

## Тя йофксть эсь уноконзонды азондозе негрань бабаны

Эстонь пингнень сембе ракшатне эрясть марса и ульсть пара суседт. Сембе ульсь цебарь, мзярс Лев ракшась изь са. Сон лувсь пря азоркс сембе вирыхнень лангса. Сон мезьга изь тиеньдя, аныцек брагсь сембе вастова и печксесь тувот и сяват, и кие повондсь. И ульсь похожай сянь шири, што сон курок печксесыня сембень.

Эста ракшатне пуромсть и кармасть думандама. И мекпальти арьсезь: мярьгемс Левти, што сядлама кирьдемс аш кода, сяс, мес курок кивок аф ляды эряма соньцень Левта башка. Синь кармайтхь сонь трямонза, но аныцек катк сон ащи кудса, кода ушарды пара суседоньди. А кда Левсь аф согласнай, эста сави судендамс.

Эста комотсь келазсь и мярьгсь:

— Вов, джентльметт, тя кизефксть арьсесык. Тяни кие тянь колга пачфти куля Левти?

Тяса сембе кармасть пелемя, сяс, мес сембе содазь, што Левть мархта шуткатне кальдяфт. Келазсь мярьгсь, што сон якаль, да сонь тевоц — эши шувомс. Маци братсь мярьгсь, што теенза эряви модемс паксяв тишень лядемя. Индюксь азозе, што сонь урвац сяряди, эряви тумс идень кирьдемя. сембеньди мувсь тев.

Эста комотсь куднумолсь, стукадсь лапканц лапказть лангс и мярьгсь:

— Честнай вал, братьят, тинь пельхтыда сонь эздон са, а мон аф. Братьят, аляти ушарды улемс алякс, а мон алян и афасяда кальдяван соньцень Левть коряс. Туян и сембень азондса пед-пес.

Эста сембе мяргсть:

— Месть тон, братец куднумол, йоньсат ли тон? Лэзь — сон колмоксть колмонькрда оцю тонь корязт, сон нильхтянза тонь и нльня аф фатяй. Кали тон аф пелят?

Кие —? Мон? Пелян? — ювадсь куднумолсь. — Мон думандань, што тинь содасасть, што мон мзярдовок киньгя эзда изень пеленьдя. Ва туян и азондса тя плешивай сире Левти, кода минь согласнайхтяма кода аф согласнайхтяма. А кда аф туй мялезонза — кода кельгеза!







Тяфта мяргсь кудномолсь и щась якстерь кяменят, прыбокозон-  
за щафтсь пухонь акша вазь, кургозонза путсь оцю папироса и  
тяфтак аськолдась левть кудонц шири.

Кудномолсь мольсь аф пелезь. Но кодак пачькодсь пенекть  
фталу, папиросать матозе и кяшезе зегезонза; шляпать сон араф-  
тозе виденяста, и тусь йофси лиякс, сяс мес пельсь и плманжанза  
тарсть.

Тяфта сон мольсь Левть кудонц малас, шаштсь кенькшть фта-  
лу и са-аворня стукадсь и пшкядсь

— Мистер Лев, а мистер Лев?

И вайгялец сонь ульсь сяшкава савора, што сонць нльня цють  
кулезень эсь валонзон. Но Левсь кулезень, панжезе кенькшть и  
вишкста мяргсь:

— Кият тон и мезь теть эряви?

Куднумолть сембе санньяза кармасть тарома.

— Тя мон,—мяргсь сон,—куднумолнясь. Минь, Лев щиняй, ульсь  
пуромксоньке... Минь ульсь пуромксоньке и монь кучемазь теть азо-  
монза... Што пуромкса арьсеськ.. арьсеськ... што тон азорсь пяк  
оцюват сембе мирса.. и аф тев, што тонць якат ярхцам пяль мель-  
гя и... и... кда тон кармат ащемя кудса, кармайтхь тязя ярхцам пя-  
лень каньнемя и . и... вов и сембе, мистер Лев,—мяргсь куднумолсь  
и йорась тумс ласькозь.

— Ладно.—мяргсь Левсь,—кда максыхть, карман ащемя кудса,  
кда аф—сембень нефтьсайня!

Куднумолсь овечась:

— О д! мистер Лев, да—да, да—да! Сивель теенть ули. Кар-  
майтхь андомот цебарьста, сяс мес монць сянь мельгя карман ванома.

Нят валхнень азмда меле куднумолсь тусь сяшкава вишкста,  
нльня кочкярянза пинделдсть. Но кодак кяшевсь Левть сельмя ин-  
гельдя, сон лоткась и кямензон лангса шукадезе пульть, шляпанц  
тага путозе пря боконц лангс, кургозонза навазе папиросать и ась-  
колдась ся шири, коа сонь учезь сембе народсь.

Сембе тусть сонь каршезонза.

— Няить тон сонь?—Кизефтезь,—няить мистерь Левть? Мезь сон  
азсь?

Куднумолсь теест отвечась прянь шнафтозь:



— Няиня ли мон сонь? А мезень жа мельгя мон якань. Кали тинь думандатада, што изийня ний?

И сембе мяргсть:

— Батюшка, братец куднумол! Тон няить сочь? Мезь тон тезн-за азоть? Тон изеть эводь?

Тя пингста куднумолсь прястонза валхгозе шляпать, йордазе модать лангс да кодак стукади сярхканц:

— Эводень!—ювадсь сон —Мезень глупость тинь корхтатада! Мон теенть корхтан, што мон алян, а сяс киньгя эзда аф пелян. И сире Левтькя эзда аф пелян ва кеньже пеняшкавок!

Эста сембе кармасть эняльдема, штоба сон азондольхце сембень, мезь ульсь.

— Ну,—мяргсь кудномолсь,—молень мон сире Левть кудонц ингели, стукадень кеньшенц, сувань и озань толть ваксс. И азон-дйиня, што минь ульсь пуромксоньке, што сонь ширьденза пяк ла-ма афпорядкада. И азийня, што тyani теенза сави ащемс кудса и вятемс пря кода ушарды, аф—тк ули теенза крышка. Азийня, што минь ссгласнайхтяма трямс сонь, но теенза са и сявоньдемс сянть, мезь макстама, а аф йорай—кода кельгезь.

И сембе народсь мяргсь:

— Ну и храбрецаг тон, братец Куднумол!

— Мон просто алян,—скромно мяргсь куднумолсь и кепедезе шляпанц, и шукадезе сонь и тага путозе прябокть.

Тяни кармасть думандама, кинь ваге да кучем: мистер Левти обедснди. Кошаресть фкя фкянь.

— Тон архт ингели!, Тонць арх!..

Синь спорясть и сягондсть пяк кувть, мзярс Куднумолсь изь мяргь:

— Давайте шужьярнят усктама. Кие уски нюрхкя, сянди мо-лемс васенда,

Тяфтак и тиезь. Куднумолсь кирьдезень шужьярнятнень, а Ма-цись ускозе нюрхкянять.

Мзярда Мацись няезе, што сонь шужьярняц нюрхкяня, сон ма-ром тарозевсь и кармасть пацянзон лапама:

— Не могу-гу гу!—ювадсь сон. Не могу-гу гу!

— Вов нинге,—мяргсь Куднумолсь,—Куроконя архт, вдь тяфтак арьсеф.

И Мацись тусь Левти и ся сивозе сонь.

Тяда меле тувось таргазе нюрхкянять, Левсь сонь сивозе.

Тяни Келаськясь и Офтонясь фатясть, што, мзярс кармай шу-жьярхнень кирьнема куднумолсь, сон кармай Левти обедоньди ку-чсемост сембень, аньцек аф эсь прянц. И синь тяфта тиезь, што шужьярнянь кирьдема кармасть Келаськясь Эста аньцек нюрхкяне шужьярнясь сатсь куднумолти.

Няезе сон нюрхкя шужьярнять и пшкядсь эсь потмова:

— Ну, тyani кирьдть, Куднумол!

А меле пшкядсь вишкста:


— Братьят, сась монь мекольдень частозе Лама ульсь минь



весе́льяднок да шу́ткаднок, а тяни тянди сась пе. Прощайте ино братьяг. Тямасть лятфне кальдявста!—мярьгсь Куднумолсь и пичедезь тусь. И сембе народсь аворьгадсть мес пях ужаль сон арась.

А Куднумолнясь саворня молись кить ланга, и тяни сон арьсе-зе, што мистер Левсь афламняс учи, мзярс сон туй эсь перенц лангс мельцеда варжама. И сон тусь эсь куднянц шири.

Пачкодсь и сембе и якась перьф. Сон молись ся вастти, коса шачсь. И лапазь алу молись и саду и сембеньди корхгась „прощай“. Эшиняти молись мельцексть симома. Сон варжаксть эсь сиря эшинянц потмос и няезе эсь сильфонц, и сась сонь йонезонза пара мяль. Соч хлопадезе конянц и ласьксь мистер Левть пiali.



— Мистер Лев.—мярьгсь сон,—сась тонь обедце.

Сире Левсь панжезе кенькшть и ювадсь:

— Пях ни кржа тонь эсот кормада!

— Виде, виде, Мистер Лев. Теень пях, ужаль, што монь эздоч тон аф топодят. Но кда тон пях, пях, пях вачедат, мон содаса коста мумс целай гора сивель—мон аноклань тетъ.

— А коса ино ся сивельсь?—Кизефтезе Левсь.

— Аф ичкизе. Мистер Лев, монь кудозень тейса.

— Ну, ватт, штоба сатоль то тодемс!—мярьгсь сире Левсь и Куднумольт мархта сырхкась кис.

Куднумолнясь панжезе эшинять, комотсь шири и ювадсь:

— Ой, кать-кодама негодяй ярхцай сивельцень эзда. Мистер Лев, ватт.

Левсь варжаксть эшити и няезе эсь сильфонц. Тянь лангс сон кеместа каяжиясь, мес думандась, што ся лия Лев и комотсь сонь пиксомонза. А Куднумолнясь сяда курок пякстазе эшити замокса, тага прябокты путозе шляпанц, кургозонза ичезе папироса петь и прянь



шназь тусь ся васгти, коса спорясть народсь, киньди тумс Куднумолда меле.

Синь нязь куднумолнять и думандасть, шго тя чуда, и ворь-годема анокласть ни, но куднумолсь синь лоткафтозень. Кармасть сонь кизнефнемонза:

— Братец Куднумолня, кали мистер Левсь тонь изеньзя сив?

— Кинь? Монь?—ювадсь Куднумолнясь.—Мон вдь аф соньде-донза калъдяван алясь!

— Месть тон, месть тон, братец Куднумолня, вдь Левсь тани арды и сембень нефтьсамязь сускомняс.

Эста Куднумолсь кармась рахама.

— Аш, братьят,—мярьгсь сон,—пелемс аш мезе Мзярс тинь ма-рхтонт тяфтама зверь, кода мон, ся сире дураксь киньгя аф нефть-сы. Сон тяряфнесь няфгемс монь, мон сонь йордайна эшиезон и ваяфтыня.

Эста сембе мярьгсть:

— Братец Куднумол, тон сембеда храбрайсь, сембеда афпелият, сембеда йонюсь сембе светть лангса!


И фкясь кандсь теенза пурьхкат, омбоцесь капста пря, а офтсь теенза кандсь кяскэв тьозар, оцю, кода куд.

} Йотафтозе Гершензонь  
обработка ПЕТР ЛЕВЧАЕВ





# Грейф и Молчек



Мзярдовок ашель кода шарькодемс, кие васеньцекс ушедшнезе тюремать: Грейфсь, немецкай овчаркась, али же лайка Молчексь.

Виде, Молчексь инголявок сурксокс ашкодшнезе пулонц, мезьсь ульсь кяжиямакс и серьгадемакс.

Ну, а Грейфсь мзярдовок из думандакшне, кда ульсь кода тюремс, нльня эста, мзярда сон ульсь шамафксса. Кафтське мадянянзон мархта сон кайсезе шамафксть и аккуратнайста пугнезе модать лангс. Сатомшка тюремда мелешамафксть сявоньдезе пеензон йоткс и кеняньдема мархта тушендсь куду.

Весть Грейфсь и Молчексь насе-

дсть карань каршек. Но—о, чуда! фкя фкянь лангс кяжихне йстасть фкяфкянь вакска сатомшка ичкизья, хуть кафицьконь шамаснон лангс ульсь яснайста сермадф: ужаль, ужаль..

Грейфсь пост — пакет мархта мольсь сери туста тише потмова. кой мзярда сон озсесь фталдонь ма-дязнон лангс, кепсезе прянц и варжакснесь.

Но, лисемок тишеть эзда, Грейфсь изь ту штада вастова, а сембе пингть кирьдсь кустарник-нень малава. Сон мольсь донесения мархта штабу. Афлама пингта мелекусторхне маштсть. Сяда тов ульсь штада ки, а бокова, кить



кувалмос, таргавсь кустарникса касф рдазу ведь мархта лотка. Грейфти модемс али штада кить ланга, али же уемс лоткть эзда.

Сон изь йора яцемс ведьти. Сон нльня варчсезе ни ведьть мадянц мархта. Няйф, модемска изь йора. Но вдь пакетть мархта аш кода модемс штада вастова! Грейфсь лапанц ичезе ведьти оду и комотсь лоткти.

Пинесь, кона работай связьса, содай аньцек кафта ломатть—азортъ и помощниконц. Грейфсь помощникть штабста исьце му, и кармась учема. Сонь малазонза сась якстерьармеец и нароч вешезе пакетть. Грейфсь шаркетьсь, тусь ширес и кяжиста увазевсь.

Тя пингева сась помощниксь. Грейфсь комотсь сонь ширезонза.

Меки сон тусь сяка жа кигя и тага васедсь Молчекть мархта.

Молчекть мельгя усковсь провод. Сонь копонц лангс ульсь повфтаф кшнинь круглай коробка. Молчексь ладцесь телефоннай связь.

Пинетне апак каштордт варжа-кстсть фкя фкянь лангс и явсть. Синь старандасть йотамссяда ички-зыганя фкя фкянь эзда.

Маневратнень аделамда меле

Молчекть азороц Грейфть азорон-цы азондозе, кода сон бинокль пачк ванць пинетнень мельгя и няезе, што синь тевс тиємста васедьсть и исть тргац. Но тя-пингева азондомась савсь лотка-фтомс, сяс мес Молчексь и Грейфсь фатясть фкя-фкяс.

И мзярда синь явштозь, кафтсь-конь шамаснон лангс ульсь сер-мадф: ужаль, ужаль...

Служебнай пинетне эряйхть сем-бе лацта специальностень; пине—связист, пине—санитар, пине—аде-лей, пине—ищейка.

Связист—пинесь служай почталь-онкс, а бойса, донесениянь пач-фчемда башка, лезды боецненьди ладьцемс телефоннай связьть.

— Санитар-пинесь бойса лезды раненайхненьди.


Постуф пинесь ломангть мархта ваны и аралай жуватать. Оцю ста-даса фкя пинесь полафты лама ломатть.

Караульщик пинесь аралай кол-хознай урожай, фабрикат, завотт.

Ищейка пинесь аралай минь границаньконь, вешендсьынь и кундсесынь преступникнень и кон-тробандисттнень.







(„Пяле эряф“ повестъста)

Апрельть колмоньгеменьце шистонза, майти анокламать аделам-донза меле илядь малати, мзярда весяла шинясь шамань келеса пеедсь идень колониять котоцке вальманзон пачк. Антошась озась ваймама и, त्याк пингева ванондома, кодама мазиста лиссь наряжам-донза меле налхксема комнатась. Поталакть вакска таргаф, велязь арсеф якстерь букваста кувака—мянь ужеста омбоце ужес,—лозунг: „шумбра улеза 1-це Майсь“ Стенать кучка видес куз таратста тифт кафта рамат; фкять потмоса: соронь ящик, конань эзда лиси соду, кяпя, сязендьф панарса и йофси понксфтома афоцька цьораня. Сонь шяяренза апак нарсек кунара ни и, улема, кода шачсь светть лангс сонць, Щека—пакаренза лисьфт лангу, кода вача катонянь пинделдыхть соду лотконятнень эса сельменза. Цьоранясь йорай варьдемда.

Омбоце картинаса няфтьфт стирьнят цьоранят. Синь сембе бта фкя песта керьсеф мокорьнят: топоцтанят, щска—прянясна бта мазы марьнят. Лангсост мазы панчф панарнят, пильгсост якстерь сандалиянят, а штанят аф цьоранятнень, ф стирьнятнень аш. Синь тру-сиксна сатфт панарнятнень алу. Шабятне пеедихть вяри комотьф топонянь лангс, кона курок курок прай теест меки.

Лиясь нят картинатненьди йофси афоль веронда, но Антошась—сон сонць ульсь и стамокс и тяфтамокс. Сон содасы вокзалтке и. . . тястонь эряфонц—тянь инкса кеместа думандазь сонь шатац арась нят кафта эряфнень лангс.

Антошась сельменц шарфтозе омбоце стенать лангс. Тяса, ужеста ужес сембе йоткть занязе Владимир Ильич Ленин ялгась, Сон мес бди отькорьста цють чипордозе види сельменц. Антошась варжакстсь сяда цебярьста сонь шамазонза, а сон—Антошась шамас. Йофси лангозонза ваны и бта пееди. Улема радовой, мес Антошаське эряй сонь лемстонза колонияса и, мянь тяшкава сон йониясь. Антошась визьдезь чипордазе сельменц и няфтсь соронь ящикть лангс.



— Ся—Чертсь. Сон нингя изь йония..

Сяда меле Антошась прянь шназь варжаксть эсь колганза нингя весть прьметазе, што Ленин ялгась стак и ваны лангозонза и няфтезе мяштенц:

— Тя—мон. А ся—тонь лемсот минь колонияньке.

Ильичсь бта сядонга пееди. Сонь ванфоц оржа и яснай. Антошась марясы, бта ламода кепедсь, мес сыкамонза ащи Ленинть ингеле и корхтакшни мархтонза. Сон тага кеняндьшни картинать лангса няфтьф тячитень эряфонц инкса. Прьметни, мес аш няфтьф ниньге ся приютсь, коса пяк лама сида. Сон сянъге йорай няфтемс. Ленин ялганцы и, меле кафонест наругамс сонь. Сон тожа аф цебярь. Пцтай вокзал жа. Но стама картина аш Стирьнятне—художницатне, улема ашельхть стамса, аф содасазь и сяс изезь рисованда. Антошась пори дасадать. Сон тага пеняцый Ильичти.

— Ся приютсь. Ленин ялга, наругамаль. Монць муворусь, мес тьнярос изень сьсрмад тоза лядф Пейти. Азондомаль. кодама эряфозе монь указовамаль теензовок мезьга сяс, мес, мон содаса мезьтиемаль тоса. Штамаль тияксь да стенатне, петфнемальхть картинкат да лозунгт шавондомальхть сембе ситне. А повороть панемаль сядаз ланга. Сон пяк ни нола и, пици аныцек эсь пекенц видева. Тиемель тя!

Ильичсь пееди. Антошась сядонга радовой, мес кивок тяпингть эзда аф шоряй Ленин ялгать мархта корхтамс. Сон пара мяльса азонды, мезь пуромсь прязонза тя колонияса эряма и тонафнема пингста.

...Мон тячи кигя тянь тиса!.. Сермадан, долой!

Антошась аф содасы афкукс: кинь долой, но сонь сембень салазе Ильичть мази пеедьфкац, апак каштордт кулхцендомац и салаваня цють чипорямац. Антошась лоткамска аф думандай. Эрь варжаксть Ильичть лангс, тага бта кошардф:

...Танясь мярьгсь: фталу ляды ялгацень уск мархтот ингели. Мон арьсине: Пейсь монь ялгазе. Сон лядсь тоза. Мон сонь ускса, мельган. Аф тяза, а штоба сонга эряль монь лацон. Тосовок улель минь лацонок колониясь.

Ильичсь кошардозь пееди. Антошась шарьхкодсь тяннь. Сон содасы, што Ленин ялга шнасы сонь. Но тя пингева кухняста лиссь Танясь. Антошась кенордазь ниньге весть кизефтезе ялганц:

— Тячи кигя сьсрмадоме?

Ленин ялгась тага бта цють чипордась виде сельменц. Антошась шарьхкодсь.

Танясь эзькигя учи Антшать, мзярда сон аделасы комнатать мельдень наряжаманц: кузтарадкятнень пеельса ровнаыста керсема-снон. Но Антошать тевец, Тяняти арам, таргави пяк кув ть. Сон тиезе ни эсь теვენц, ляпоптезень стирьнятнень бельяснон и содозень руця потмос. Стирьнятне куроц эшлявихть ни. Эряви кенердамс мельгаст Тянь инкса сяда кувать учсемя сон изь карма.

—Ну, куроц?— кизефтсь налхксема кудть шири. Антсшась бта эводсь апак учсек кизефтемать эзда Бта удома вастста сыргозьфтезь.



— Анокан давно. Мон анокан.—Лятфтамок, шго сонь учи акац баняв, кенердзь лиссь Антошась—мон вов.

— А мон чайнь солать ни тоза, кда ни афолень серьгядь, ниньге стак сембе думандакшнелеть. Сембе арьсят...

Танясь аф сюцесь. Сонь вал йоженц коряс ульсь кода шарьхко демс, што сон тяфта аныцек шнай йонг туганяц. А Антошась, латц кельгсы акани, сонь лама ласканзон инкса, но эзьконь корхнемань колг: нльня изь кашторгод. Мольсь мархтонза и кеменьцеда кизе-фнесь вандынь шить колга

## Васень май

Вальмалда исатне штасть сиянь росаняса и ушедсть тошксемя Васень Майть колга.

Васень Майсь оцю праздник. Шись нинге фкя боконц няфни, а мазы флагне либорьдихть-ни.

Васень Майсь оцю праздник. Аф стак тынярос сонь тяшкава учсь Антошась. Аф стак эсонза пяк кельгихть сембе шабатне; шинясь аныцек кенерьсь прьметамс куттнень вельф. Ленин ялгать лемса колониясь ульсь ни пильге лангса. Танясь нинге весть ванозе, сембе ли шабатне штасть, ушедсь синь наряжамост. Сяс, мес тячинь шись надьяфтсь улемс пяк лямбекс, шабатненьди максф щамсь казнесь, конань май ти кучезе Луначарской ялгать лемса фабрикась: пионерской костюпне.

Праздниксь марявсь сембе вастова. Съкамонза аныцек костюпне тисть афазомшка радость, а тяни нингя, завтраксь аф лия шитнень лаца. Эрь шабати макссть тифтень стакан пяк ламбама кофэ, да тифтень булканя Антошась содазе ни што учсь аф зря. Завтракамада меле сон лятфтазень ялганзон тага, и озась сьормадома.

„Тячи минь оцю праздниконьке. Сембе мольхтяма базарнай площади, но аф торговкатнень фталга шарондома, а якстерь флаг мархта Ленин ялгать памятниконц ингели, конань тейса кармай улема музыка да лама ломатть. Тячи ни мон пионеран. Мон тячи стама ломанян, кона аф салай, аф сюци и аф кочки папироса пет. Курендамазень кадыне кунаракигя, и йофси аф сюцекшнян. Кда тинь тяфта тийхтяда монь лацон, сяльдя и аф сьормадан. А тяни сяка-учемксозе, кода ба няемс сембень тинь и няфтемс эсь прызень“.

Антошась мяньдезе листкять и путозе конвертс. кармась адресонь сьормадома, но аф содасы, кинь лемс кучема. Колясь вдь тусьни тяденцты, а Пейсь пади йофси ворьгодсь. Но кувать думандакшнема изь карма. Сермать кучезе приютть лемс и уженяти тяштсь: „Монь ялганеньди“. Меле ни арьсезе, што тоса ялгат тееENZA сембе, што пади аф содасазь, киньди максомска, сермась ульсь-ни ящикса. А тянь инкса сон арьсезе, што катк получаказь и морафтсазь сембе. Катк дивандайхть лангозонза тостонь сембе шабатне.

Ушеса крылецть ингеля кие-бди эрьхтсь барабантть. Антошась фатясь, што сон цють исьце позда рядс араматы и ласькозь мольсь ялганзон тейс. Тяса ульсть сембе анокт-ни аськолдамати. Антошась кодак нязень тыняра ялганзон и сембень мяштсь шинякс палы гал



стукнень, стак шуфтомсь. Аф содасы мезь мархтонза: али пях ни кеняндсь, али пях йорай мезь бди тиёмс. Афлама пингта меле шарьхкодезе эсь мяленц: сон йорай корхтамс. Азондомс эряфти лисемань радостенц. Но ваны, што кивок кулхцендомс аф йорай, кенердайхть площади. Танясь види кядьса мар афоцька флагоня. Сон кармась синь эздост тифтенянь макссема эрь шабати. Сась ряд Антошативок. Соньгя кядьсонза флагоня. Антошась йорась-ни сонь кепедемс сембеда вяри, но тя пингста няезе ингеля, Майть кядьса оцю недь песа флагсь пях вяре. Антошась эсь прянц видес кепедезе флагонц и барабанть калдорфонц вельдя аськолдэсь ялганзон мархта.

Площадсь лакай. Ломотть аш, аныцек шамат, кепкат и шамат конатнень вельксса лама вастса шерьхконьдихть якстерь флакт.

Отрядсь валгсь пандонянь алу и шоворьсь ломанень морянь мархта. Антошатиэсь ялгадонза башка няевихть, мес йофси ваккаст строявсть нинге шабат. Синьгя вельхкссост флаг и кядьгаст флагоня, Синьгя ваныхть ингели трибунать пряс, конань лангста корхтай кядь фтеме сире аля. Антошась кульсь теенза содаф ни валхт: „голод, холод.. нас мучали...” нингя мезь бди кульсь, но ашель мзярда шарьхкодемс. Трибунать ала эрьхтезь оцю барабанть и кит бди уфасть серень трубас. Антошась нюрясь муыкаты эзда. Ниньгя сядонга оцю мяль сась корхтамс ся трибунать лангста, азомс себеньди кода ворь годсь Чиграть кядьалда и кода сась сей. Но Антошати аф содави, мезе сонь кырни.

Трибунать лангста корхтась лия, од цьора. Сонь мяштенц лангса комсомольской тяштень. Цьорась шарксни шаматнень шири, конат алулт пашкодезь сембе ширьдя, а шинясь налхкси сонь тяштеньяц лангса.

Тага эрьхтезь барабанть, тага тарозевсь модась. Антошаськя йорай ювадемс, но содаф, кивок сонь аф кульсы. А пади и кулелезь, но трибунать лангс куць ни лия ломань и тага сембе кулхцендыхть сонь. Антошась вдруг кульсь содаф вайгяль. Аф содасы, мезь ускозе рядть эзда и, тусь трибунать шири. Афлама пингта меле сон ащесь ни трибунать лангса, корхтайть вакса: сонь галстуконц тяни либердсь сембе флагнень вельхксса и кода-гож няевсть сембе ломатьтне. Сон мозь бди учсь и, няевсь, волнениять эзда. кода мазылгодкшнесь

Од ораторть вайгяленц кода ушторвяшком керьсь сет меть:

... Кемень спасибаттейнек эряфонь максомада, мон улень светь нилицьке ужеванза, удцень масторть лангса сембе ящикнень да котелхнень потмова. Тяни мон...

Антошаськя йорай ювадемс, но дива: Ялгац азонды сян, мезь йоралексоль сон. Тя Чертсь. Антошась сонь содасы вию лафтунзон да алнь вайгяленц колга Кивок мезьгя аф содай, а Антсшати потмоса палы оцю мяль: тяста, трибунать лангста азомс себеньди, што сон ульсь ва тя корхтай шабать мархта фкя котелса, што сонга кырьдезень масторть сембе вачензон да якшамонзон, што соньгя сязовз детдому и тяни вов мезькс арась.

Од ораторсь аделазе корхтаманц. Сон шаркстсь валгома и апак учсек васедсь кунарстонь и мянь тячимс кельгем ялганц мархта.



Синь шумбракстсть народть ингеля и нльня паласть. Меле Антошась кепедезе кяденц, тись салют и юваць:

Монга пасибан.. сембеньди: чекатигя. Роза Егоровнандивок—спасиба! Монь синь лихтемазь пинень ящикста. Теень синь макссть ламбе васта, йон и няфтезь виде кить ингели.

Антошась корхтась, нльня исьце куль, кода тяпингева народсь лаборфтсь кядьтнень, кода дубордсь сонь отрядонц барзбаноц. Сон нинге азондоль, но ушедсь ни аф кулевома эсь вайгялецка. Савсь валгомс. Алува куцеманятнень песа учезе Чертсь. Антошась йорась кизефтемс сонь эряфонц колга, но Чертсь мянь сяшкава кеняндьфа, нльня теенза изь азэв. Ответть максозь сонь комсомольской костюмоц, значекоц и, пионерской галстуккоц. Няемок и комсомолонь и пионеронь нарядтнень, Антошась изь кирьдя:

— Кали тон и пионерат и комсомолецат?


— Мон вожатаян,—прянь шнафтозь азозе Чертсь,—а лемезя тyani монь Май!

Антошась ваны да дивандай: инголдень Чертть Майгь эса шы-

нецка ашель. Сонь сельменза тyani ваныхть аф хитрендась, синь эздост мадсь аф эрявикс буйствась, корхтай сон прокслия вайгяльса—ляпоняста да ласковайста. Аф кунартонь вокзалонь рясатнень вастс нарядоц сонь маром няфтезь стама кельгемакс,бта сон аф-кукс Май.

Антошась аф мувору

Илядь малава Антэшась учсь инжихть. Сонь ялгац Майсь йорай самс од ялганц мархта, кона сонь вьтезе комсомолу, конань Майсь тyani пяк кельксы, Антошась синь самаснон колга азсь латта сембе ялганзонды, што отрядоньконь спектаклянц ваномасайхть кафта комсомолецт, што синь эздост фкясь Антошати ялга нингя вокзалстонь эряфть пингста, што сон тyani йофси аф стама и прокс лоткась „ульмамда“. Шабатне, а сембеда пяк стирьнятне кеняньдемати





нльня кядьснон цяпазь. Путозь инжихнень самс спектакльтке аф ушedomc И аныцек кенерьсть панжемс отряднай сборть, виде сувасть. инжихне. Стирнятне, кайснон коря, стясть и васьфтезь пяк ласковайста. Хуть исть кома, код,, Антошати но шамаса радостнай и сяка пингть прянь шнафгома йотка мархта, пеедескья салютонь максоманьди кепедезь кядьснон. Антошась кода сьда оцюсь бта азор, васьфтезень синь кядьта люпшгазь и азо-зе, што синь кнара ни учсесь Майкс варчсесь сембень ланга, мес бди вишкста - вишкста ляксь. Улема' йорась корхтамс. Салава мезь—бди азсь ялганцгы, тоса Антошати и, Антошась панжезе сборть. Васенда корхтась сонць, а тоса макссь вал Майти. Ся йофси изь визьде; Танять да заведующайть лангс варжакстсь бта ялганзон лангс и йотась ингольти.

— Минь Лапшев Антошати мархта содатама фкя-фкянь кнара., Сашендовсь я вомс, но тачи, апак учсек васедьмя и мархтонза аф ламняс корхтакшнемста мон кулине, што тинь тьсааш комсомольской организация. Тяка пингть, ламось эздонт кассь титя лемть кандомс. Минь тя положениять арьсесськ эсь организациясонок и пугоськ: тинь колониянтьтень лангс сьвомс ялгань шефства, мезть велде йоткозонтт анокламс комсомольской ячейкань пуроптомать... Шабатне тя апак учсек кулять васьфтезь сьшкава кеняндезь, нльня кядьснон цяпамста стякшнесь. Антошась тись пря, бта сон тянь содазе, но мянь тя пингс нарочь изь азонда и гордайста варжакстсь аканц да заведующайть лангс, конат тожа цяпасть кядьснон. А Майсь тя пингти сьдонга смелкстомсь, мярьгат аф инжи:

— А штоба содавомс минь ячейканьконь мархта, минь йоратама, штоба мархтонок работама явштолесь Лапшев Антошати. Сонь лезксонц мархта сьвф обязательстваньке пьшкодеви сьдонга цебарьста.

Инжить вешемац примаф вишкста кядень цяпамать мархта. Розочкась тянь сермадозе протоколти. А Антошась, сборть аделамда ингеле азсь та фкя предложения.

Сьвомс шефства лия колониянь ланкс и тозовок пуроптомс пионеротряд. Предложениясь примаф и путозь: вандыкигя кучемс кафта делегатт тоза, коста сась Антошась. А пьлешка частта меле панжевсь сценась. Сон ульсь нингя шава, аныцек Ленин ялгась отькорьста пеедсь ваныень рядтнень ланга, конатнень йоткса сембеда ингеля ащесь Майсь, ялгац и Антошась. Майсь да ялгац мезеньгя колга апак думандак учсь „артисттнень“ явондомаснон, а Антошати сьлгозь салмокса сон васькафнезе Ленин ялгаты! Картиנקать эса соду шабась йофси аф Чертсь и Чертсь йофси ни аш! Визькс, нльня аф азомшка ваны ялганц шамас, лангазонза, прьметни картиנקать лангса Ильичть портретонц. Бта кургозонза яцесь поколь и пори салава эсонза. Мзярда Розочкась, сембеда цебарь артисткась флагоня мархта ласьксь сценать кучкас, морась мезень бди валхт, тя пингева Ленин ялгаты ванфоц бта арась сонь лангозонза, а Антошась, кода сталма алда лисьф, орхкадезе бокс Майть и корхтазевсь:





— Мезьга аф содат! Мон васькафнень... Тячинь шиня эльбядень  
и тонь колгат зря корхтань..

— Киньди?—Дивандазевсь Майксь.

— Мярьгонь, вона ся картинкаста шабась—тон., Ленин  
ялгати мярьгень.

— Майксь изь шарьхкодь. Сон ванць кизефтезь. Антошась  
фатясь.

— Мон аф эсьтеенза... Портретонц мархта салаваня корхнень...  
Мярьгонь, што тон нинге „ульмаят“.

Маиксь пеедзевсь.

— Ну, ладно. Тон вечна чудиндат. Мон вдь ся шитнень лят-  
фномска аф йоран. Ватт вона.

Розочкаты меля сценять лангс лисенсь „нумолхт“ да „уль-  
майхть“.

Синь пелезь прьметнихть перьф пяли, синь нинга йорайхть  
воргодемс. Но пионерхне пуромсть перьфкаст, кундсезь кядьти и  
связозь ингели моразь:

Кулесть васеньце валть  
Кадость каенц вокзалть...

— Майсь токсесы бокта Антошаты:

— Молодецт писнероньтте! Цебярьсга тизз...



Антошась сонць аф содасы, конашкава радовай и чипоряй  
Ленин ялгати: вдь тонць мяргеть „ульмайхнень“ машфтомда. Сяд-  
лама изь мотерьдев да и лувозе тянь афэрявиксоньди сяс,  
што Ленин ялгась, улема, простиндазе ни: ваны аф кяжиста. Сонга  
пееди, кеняньдф.

---

А. Беляев

## Пионеронь пере

Топольсь школать инголе,  
Копакшу и сери.  
Урхтонь сама пингоне,  
Машась ласьки пери.  
Пионерхнень переса,  
Сьорось касы парста,  
Сяс, мес шабань келеса,  
Соказь видежь, марса.  
Ульхть тон валса инголе,  
Якстерь галстук пионер.  
Тев тиема пингева  
Пара тевень няфтть пример,

Моску 1934 к.

---



№ питнец 40 тр.

**Серматфтода „ЯКСТЕРЬ ГАЛСТУК“  
журналть лангс  
Журналсь лисеньди ковти весть**

---

ПИТЬНЕЦ: фкя кизос . . . . 2 ц. 40 тр.  
 пяле кизос . . . . 1 „ 20 „  
 колма ковс . . . . —„ 60 „  
 фкя ковс . . . . —„ 20 „

---

**ПОДПИСКАТЬ примасы почтань эрь  
отделениясь и агентствась, а станя  
жа мордгизть распространениянь  
сектороц**

*Журналонь редакциять адресоц:  
САРАНСК, МАССР, Советская, 52.*

---

Главлит № 1088. Мордгиз № 96. Тираж 1260. Заказ № 1763. Сдано в набор 10 мая. Подписано к печати 20 июля 1935 г. Печатных листов 2. В 1 печ. листе 41600 зн.

---

г. Саранск, типография „Крчсний Октябрь“ Мордгиза.